

EWE KAPAS ALLIMEN JISES KRAIST





MET EWE KAPAS ALLIMEN JISES KRAIST?

Ewe kapas allimen Jises Kraist mi an Semach won Nang we kokkot ren pwapwa me **manau ese much*** fan iten Noun kewe semirit. A iteni ewe kapas allimen Jises Kraist pokiten ewe **Achasefanin** Jises Kraist mi nom nukunapan ei kokkot. Anongonong won An we kokkot, Semach won Nang a tina-tiw Noun we At, Jises Kraist, ngeni ewe fonufan ne pwarata ngenikich ifa usun sipwe manaueni manau mi och me pwapwa me sipwe weri pwapwa ese much mwirin ei manau. Me ren ewe **chen** me umoumochun Jises Kraist, ka tongeni nimenimochuno seni tipis me apwapwaiti kinamwen ekiem. Ka tongeni winiti nimenimoch ne nonnom fan mesen Semach won Nang mwirin ei manau.

Ne angei ei kinamwe me pochokun, mi namwot kopwe kaeo me tapweno mwirin ekkewe nongonong me efeiochun ewe kapas allim. Eu nongonong mi eu kinikinin ennet sia tongeni anganga non manau; eu **efeioch** mi eu foffor, mi pinipin, mi for fan ewe mwumwutan ewe pristut me fan chommong a wewen pwe sia **pwon** fengen ren Semach won Nang. Ekkewe aewin kinikinin ewe kapas allim mi nuku non Jises Kraist me aier. Ekkewe aewin efeiochun ewe kapas allim mi **papatais** me angei ewe Ngun mi Fel.

Mwirin ka kaeo me tapweno mwi-rin ekkewe aewin nongonong me efeiochun ewe kapas allim, ka kutta ne tapweno mwirin an Kraist we nenien appiru ren unusen manauom. Ei nukuchar mi sopesopw a iteni “nikitu tori nesoponon.”

*Ka tongeni manaueni
ewe kapas allimen
Jises Kraist me ren:*

- *Anganga nuku non Jises Kraist.*
- *Aier.*
- *Papatais me angei ewe Ngun mi Fel.*
- *Nikitu tori nesoponon.*

* Wewen ekkewe kapas mi parapar mi fatetiw won peich 18 me 19.

NUKU NON JISES KRAIST

Nuku mi eu sokkun achifoua mi pochokun minne a pesei ngeni emon ne fori och mettoch. Nuku mi emwen ngeni omusomusen tipis mi anongonong won Jises Kraist, iwe an we Achasefan a atufichi ngeni omusomus an epwe fis. Nuku non Jises Kraist mi nap seni chok achifoua kisikis non I. A wewen ka nuku pwe

I Noun Kot we At me A riaffou fan iten tipisum kewe, om kewe riaffou, me samau. A wewen kopwe fori och mettoch fan iten ena nuku. Nuku non Jises Kraist a emwenuk ne tongei I, epinukunuk non I, me anneasochisi An kewe annuk.

AIER

Nuku non Jises Kraist a emwenuk ngeni eu mochen ne siwini manauom pwe epwe ochuno. Nupwen ka kaeo ewe kapas allim, ka esinna pwe ka

tipis, are kese fori netipen me afanafanen Kot. Me ren aier, ka ekkesiwini ekkena ekiek, mochen, me foffor minne rese wewe fengen ren an Kot kewe afanafan. A pwon ngonuk pwe nupwen ka aier, Epwe omusano tipisum kewe. Nupwen ka aier ka:

Esinna pwe ka tipis me ka mefi ennetin netipechou fan iten met ka fori.

Kouno ne fori met mi mwan, me achocho pwe kete pwan for sefanni.


Pwarano tipisum kewe ngeni ewe Samon me tingorei ren omusomus. Om fori ekkei a apwasa eu minen chou. Ika ka tipis ngeni pwan emon aramas, kopwe pwan tingorei ena emon ren omusomus.

“Kopwe epinukunuku ewe Samol ren unusen netipom. Kosap epinukunuku met ka ekieki pwe ka sinei. Kopwe chechemeni ewe Samol non mettoch meinisin ka fori, iwe epwe pwar ngonuk ewe aan mi pung.”

Proverbs 3:5–6

Nuku non Jises Kraist mi ewe aewin nongonongen ewe kapas allim.





Asofosefanni. Kopwe fori mettoch meinisin mi tufich ne apungano ekkewe osukosuk minne fofforum kewe ra efisata.

Anneasochisi ekkewe annuk. Anneasochisi an Kot kewe annuk a awora ngonuk ewe manamanen ewe kapas allim non manauom. Ewe kapas allim epwe ngonuk pochokun ne nikitano tipisum kewe. Anneasochisin ekkewe annuk a masoueni forum angang ngeni ekkoch, omsusano tipisin ekkoch, me fiti mwichen Fan.

Esinna ewe Chon Amanau. Ewe kinikinin aier mi ennetin auchea ina esinnan pwe omusomus a feito punun Jises Kraist. Fan ekkoch meni ka mefi pwe Kot esap omusano tipis mi fakkun ngaw. Nge ewe Chon Amanau a riaffou fan iten tipisich kewe pwe resap chuen aosukosuka kich, mi pachenong ekkewe ir mi fakkun ngaw. Omusomus, kinamwe, me pwapwa mi ekkewe niwin ennetin aier.

Aier ese wewen pwe fansoun meinisin mi namwot sipwe fakkun siwin watte. Fan chommong mi chok anamwota kopwe anapanon om achocho ne manaueni usun netipen Kot. Ennetin aier ese fis muttir iteitan; kopwe tipepos pwisin reom nupwen ka achocho ne fori met mi pung me apunga mettoch mi mwan ka fori. Nupwen ka aier, kopwe weri ekkesiwinin netipom. Kosap chuen mochen tipis. Kopwe sinei pwe en emon noun Kot me ese namwot pwe kopwe sopweno ne fori ekkena tipis sefan. Om mochen ne tapweno mwirin Kot epwe watteno me epwe pwan anonnon.

Kich meinisin sia mwanino. Fan ekkoch sia efeingawa pwisin kich me sia fakkun efeingawa ekkoch non napanap minne sise tongeni apungano. Sia ataieno ekkoch mettoch minne sise tongeni pwisin apungano. Iwe sia mefi mengiringir, saw, me riaffou, minne sise tongeni pwisin apungano. Ewe manamanen echikaratan ewe Achasefan mi tongeni apungano met sise tongeni.

PAPATAIS ME EWE NGUN MI FEL

Nuku non Jises Kraist me aier mi ammonuketa ren papatais me angei ewe Ngun mi Fel. Jises Kraist a afanafana pwe mi namwot aramas meinisin repwe papatais ren konik me ren ewe Ngun (ewe Ngun mi Fel) ren omusomusen tipis. Me ren papatais seni emon mi angei mwumwutan ewe pristut me seni angei ewe Ngun mi Fel, kopwe upusefan non pekin ngun.

Pwata Mi Namwot Upwe Papatais?

Jises Kraist a isetta ewe nenien appiru fan itach seni an papatais ne “apwonueta netipen Kot” (Matthew 3:15). Nupwen ka papatais, ka angei omusomusen tipisum kewe (nengeni Foffor 2:38). Ka fori eu etipeu fengen, are pwon, ren Kot: ka pwon ne etiwa Jises Kraist pwe I om we Chon Amanau, ne tapweno

mwirin I, me achocho ne anneasochisi An kewe annuk. Ika ka fori wisom, Semach won Nang a pwon ne omusano tipisum kewe. Nupwen ka papatais me ren emon mi angei ewe mwumwuta mi pung, tipisum kewe mi tonano.

Mono fan konik a eu kinikinin papatais. Iei ifa usun Jises Kraist a papatais. Papatais mono fan konik mi eu esisinnan ewe mano, peias, me Manausefanitan Jises Kraist mi

pin; mi tupuni nesoponon manauom me nom me nepoputan eu manau mi fo pwe en emon chon tapweno mwirin Jises Kraist.

Pwata Mi Namwot Ai Upwe Angei ewe Ngun mi Fel?

Papatais a tonano tipisum kewe senuk, ewe Ngun mi Fel a nimetuk, are epinano pwisin en. Ika ka sopweno non nukuchar nengeni om kewe pwonon papatais, ewe Ngun mi Fel epwe nom reom iteitan fansoun meinisin. Aramas meinisin ra tongeni

*“Jises a apasa ngeni,
“Ewer upwe apasa ngonuk:
pwe esap wor emon epwe
tongeni tonong non ewe
Muun Kot ika pwe ese
upusefan ren konik o
ren ewe Ngunupin.”*

John 3:5



mefi ewe Ngun mi Fel, nge ekkewe ir chok mi papatais me angei ewe Ngun mi Fel ra angei ewe pungen chiechian non unusen manauer.

Ewe Ngun mi Fel a anisuk ne esinna me weweiti ennet. A awora pochokun me pwarata non pekin ngun. A awora kina-mwe non fansoun weires me a emwenuk non ekkewe mettoch ka finata. Ka tongeni mefi an Kot tong me manaman non manauom iteitan ran me ren ewe Ngun mi Fel.

Ka tongeni kao me angei emwen seni ewe Ngun mi Fel. “Ewe Ngunupin, Ewe Chon Anisi, i ewe Sam epwe tinato fan itei, epwe aiti ngeni kemi mettoch meinisin o epwe achchema ngeni kemi mettoch meinisin minne ua fen ereni kemi.”

John 14:26

Om tufichin apwapwaiti ei niffang seni nang a anongonong won om anneasochisi an Kot kewe annuk. Ewe Ngun mi Fel ese tongeni nonnom ren ekkewe ir rese manaueni usun an Kot kewe afanafan. A pout senir ewe tufichin angei An emwen me pwarata. Kopwe achocho iteitan pwe kopwe nimenimoch fan iten chiechian me emwen seni ewe Ngun mi Fel.

Ka angei ewe Ngun mi Fel mwirin papatais. Non eu sokkun efeioch a iteni **epinano ngeni ewe Ngun mi Fel**, emon

are pwan ekkochchon pristut mi angei mwumwuta ra isetta pour kewe won mokurom. Ra apungano pwe ka choni ewe Mwichefen me ra efeiochuk ne angei ewe Ngun mi Fel. Nape-ngeni ei efeioch a fis non eu mwichen fan mwirin ewe papatais. Nupwen ka papatais me epinano ngeni ewe Ngun mi Fel, ka winiti emonchon Ewe Mwichefenin Jises Kraist ren Aramas mi Pin non Fansoun Soponon.

Wewen ekkewe kapas mi parapar mi fatetiwon peich 18 me 19.

Ewe Ngun mi Fel mi kawor me ren isetta pau won mokur.





Ewe Sakrament

Mwirin ka papatais, ka tongeni asofosefanni om kewe pwonon papatais iteitan wik me ren om angei ewe sakrament. Me non ewe mwichen sakrament, chon pristut ra efeiochu me ineti pinewa me konik ngeni ekkewe chon fiti ewe mwich pwe eu minen achechemen ewe Achasefanin Jises Kraist. Ewe pinewa mi tupuni Inisin, me ewe konik a tupuni Chaan. Nupwen ka asofosefanni om kewe pwonon papatais, ka angei ewe pwon pwe kopwe angei ewe Ngun, ika ewe Ngun mi Fel, reom iteitan.

Ewe sakrament a anisuk ne chechemeni ren kinisou ewe manau, angang, me Achasefanin Jises Kraist.

Wewen ekkewe kapas mi parapar mi fatetiwon won peich 18 me 19.

Ewe sakrament a anisikich ne chechemeni Jises Kraist.

NIKITU TORI NESOPONON

Ka winiti emon chon Ewe Mwichefenin Jises Kraist ren Aramas mi Pin non Fansoun Soponon seni nuku non Jises Kraist, aier, me ekkewe efeiochun papatais me epinano ngeni ewe Ngun mi Fel. Mwirin ka winiti emon chon ewe Mwichefen, kopwe sopweno ne mamarita non om weweiti. Kopwe sopweno ne anganga nuku non Jises Kraist, aier, asofosefanni om kewe pwonon papatais me ren om angei ewe sakrament, me tapweno mwirin emwen seni ewe Ngun mi Fel. Ekkei aewin nongonong me efeiochun ewe kapas allim mi eu tetten ne tapweno mwirin non unusen manauom. Ei pwonon manau mi iteni “nikitu tori nesoponon.”

Nikitu tori nesoponon a awora emwen, kinamwe, me pwapwa ngeni manau. Kopwe mefi ewe pwapwan achocho ne winiti usun chok Jises Kraist nupwen ka angang me anisi ekkoch. Kopwe weweochu om chiechi fengen ren Semach won Nang me kopwe mefi An tong mi unusoch fan itom. Kopwe mefi epinukunuk me memmefin popun non eu fonufan mi osukosuk fan chommong.

*E*we kapas allimen Jises Kraist
mi eu napanapen manau.

“Oupwe feino mwemi o nikitu
non Kraist, oupwe awora ngenikemi
ewe saram me apinukunuk allim, me ewe
tongen Kot me aramas meinisin. Iei minne,
are oupwe feino mwemi, o fetenap won
ewe kapasen Kraist, o achocho tori
nesoponon, nengeni, iei usun anon
ewe Sam; oupwe manaueni
ewe manau ese much.”

2 Nifai 31:20



IFA USUAN UA TONGENI SINEI?

Ewe kapas allimen Jises Kraist mi niwinsefanito me ren pwarata seni Kot ngeni ewe Soufos Joseph Smith me ngeni ekkoch soufos.

Ka tongeni pwisin sinei pwe ekkei mettoch mi ennet me ren om tingor ngeni Semach won Nang non iotek. Epwe pwonueni om iotek me ren ewe Ngun mi Fel, minne mi pwan iteni ewe Ngunun Kot. Ewe Ngun mi Fel mi pwarata usun Semach won Nang me Jises Kraist. Ewe Ngun mi Fel a apungano ennet ren memmef, me ekiek. Ekkewe memmef ra feito seni ewe Ngun mi Fel mi pochokun, nge ra pwan pwetete me mosonoson. Usun mi afanafan me non ewe Paipen, “Ngeiei ekkewe uwan Ngunupin: tong, pwapwa, kinamwe, engino, umoumoch, manauoch, nikitu, tipetekison me nemeni mochenin netipach” (Galatia 5:22–23).

Ekkei memmef mi eu punganon me ren ewe Ngun mi Fel pwe ei poraus mi ennet. Kopwe finata ika kopwe manaueni manauom pwe epwe wewe fengen ren ewe kapas allimen Jises Kraist usun mi niwinsefanito me ren Joseph Smith.

*I*fa Usun Upwe Iotek?

- *Kokori iten Semom won Nang.*
- *Pwarata ekkewe mefien netipom (kinisou, kapas eis, tingor ne apungano ennetin ewe Puken Mormon me met ekkewe misineri mi afanafan).*
- *Osopwano (“Faniten Jises Kraist, amen”).*

TETTENIN KAPAS

Achasefan Ewe angang mi etufichi kich ach sipwe chasefan ngeni Kot. Achasefani a wewen riaffouni niwinin tipis, iwe epwe uweino niwinin tipis seni chon tipis mi aier. Jises Kraist I chok ewe emon mi tongeni fori eu Achasefan mi unusoch faniten aramas meinisin. An asoren Achasefan a masoueni An riaffou faniten tipisich, surutiwen Chaan, me An mano me Manausefan. Pokiten ewe Achasefan, chon fonufan meinisin repwe manausefan. Ewe Achasefan a pwan awora ngeni kich eu anen ach sipwe museno seni tipisich me sipwe manau fengen ren Kot feifeino chok.

Chen Aninis me pochokun seni nang mi kawor me ren ewe umomoch me tongen Jises Kraist. Seni An chen, minne a tufich me ren An we Achasefan, aramas meinisin repwe manausefanita. Me ren An chen, ekkewe ir mi sopweno ne aier me manaueni An we kapas allim repwe mefi pwe ra arap ngeni Semach won Nang me non ei manau me repwe nonnom fan mesan mwirin ei manau.

Efeioch Eu foffor mi pin mi fis ren mwumwutan ewe pristut. Aewen usun chok papatais, angei ewe Ngun mi Fel, me ewe sakrament. Efeioch mi eu napanapen tonong non pwon ren Kot.

Epinano ngeni ewe Ngun mi Fel Ewe napanap minne emon a angei ewe Ngun mi Fel. Napengeni ei efeioch epwe fis non eu mwichen sakrament mwirin chok papatais, ewe emon a epinano ngeni ewe Ngun mi Fel, are a fis, pwe epwe choni Ewe Mwichefenin Jises Kraist ren Aramas mi Pin non Fansoun Soponon.

Manau Ese Much Manau seni tipis me mano. Manau ese much mi tufich me ren ewe Achasefanin Jises Kraist. Me ren ewe Manau-sefanitan Jises Kraist, aramas meinisin repwe tongeni pworacho ngeni ekkewe niwinin mano. Sia pwan tongeni manau seni ekkewe niwinin ach kewe tipis seni ach nuku non Jises Kraist. Ei nuku mi pwarata non eu manauen aier me anneasochis ngeni ekkewe annuk me efeiochun ewe kapas allim me angang ngeni Kraist.

Papatais Eu kinikinen ach sipwe angei omusomusen tipisich mi unusen namwot. Me ren ach papatais me apungano seni mwu-mwutan pristut, sia winiti chon Ewe Mwichefenin Jises Kraist ren Aramas mi Pin non Fansoun Soponon. Papatais epwe mono fan konik, wewen pwe ewe emon mi papatias epwe tueno fan konik. Papatais a pwarata ach mochen tapweno an Kraist nenien appiru me fori pwon mi pin ren Kot.

Pwon mi pin Eu tipew fengen nefinen Kot me Noun kewe semirit. Kot a awora ekkewe kinikinin etipew fengen ren ewe pwon, me sia tipew ngeni ach sipwe anneasochisi I. Kot a pwon ekkoch feioch ren ach anneasochis.

Sakrament Eu efeioch mi achema ngeni chon Mwichefen usun ewe Achasefanin Jises Kraist. Me ren ach angei ewe sakrament, sia asofosefanni ekkewe pwon sia fori non papatais. Konik me pinewa mi efeioch me a ineti ngeni chon fiti ewe mwich. Ewe pinewa a tupuni inisin Jises Kraist, me ewe konik a tupuni Chaan. Ei efeioch a fis iteitan wik non eu mwichen fan a iteni mwichen sakrament.

PWAN OCH NE KAEO NGENI

Ekkewe kapas eis me wokisin mi nom fan repwe anisuk ne kaeo pwan och usun ekkewe nongonong non ei puk me ekipwichir. Ei tettenin kapas eis me wokisin rese unus; ekkewe minen esininin non ekkewe pukfel repwe emwenuk ngeni pwan ekkoch wokisin me minen aninis.

Met ewe kapas allimen Jises Kraist?

3 Nifai 27:13–22 (Puken Mormon, peich 459–60)

Met wewen pwe epwe wor ach nuku?

Ifa usun nuku a tongeni awora ngonuk pochokun?

Hebrew 11:1, 6 (Paipen, Testamen Sofo)

Alma 32:21, 26–28 (Puken Mormon, peich 289–90)

Ether 12:6 (Puken Mormon, peich 509)

Met wewen ne aier?

Pwata mi namwot pwe aramas meinisin repwe aier?

Luke 15:3–10 (Paipen, Testamen Sofo)

Foffor 3:19 (Paipen, Testamen Sofo)

Alma 12:33–34 (Puken Mormon, peich 240)

Pwata mi namwot pwe aramas meinisin repwe papatais?

Foffor 2:38 (Paipen, Testamen Sofo)

2 Nifai 31–32 (Puken Mormon, peich 112–16)

Met ewe Ngun mi Fel?

Ifa usun ewe Ngun mi Fel mi tongeni efeiochu manauom?

2 Nifai 32:5 (Puken Mormon, peich 115)

3 Nifai 27:20 (Puken Mormon, peich 459)

Met popun ewe sakrament?

3 Nifai 18:1–12 (Puken Mormon, peich 442)

Moroni 4–5 (Puken Mormon, peich 519–20)

Met wewen ne nikitu tori nesoponon?

2 Nifai 31:15–20 (Puken Mormon, peich 114)

3 Nifai 15:9 (Puken Mormon, peich 437)

FITEKEM NON AM FEN NGENI KOT

KENE FEITO O NENGENI IFA USUN ANIWINSEFANITON
EWE KAPAS ALLIM A TONGENI EFEIOCHU MANAUOM



Mwichen sakrament ena ewe mwichen fen mi napanap. Ururun epwe ukukkun eu awa me epwe masoueni ekkei mettoch mi nom fan:

Ekkewe Kon: Chon ewe mwich ra kon fengen. (Aupwe awora ekkewe puken kon)

Ekkewe Iotek: Chon Mwichefen repwe wisen iotek.

Ewe sakrament: Chon pristut repwe efeiochu me ineti pinewa me konik ngeni chon ewe mwich non achechemenien ewe Achasefanin Jises Kraist.

Chon Afanafan: Ururun emon are ruemon chon mwichefen ir mi fen kefin me mwan repwe afanafan ngeni chon ewe mwich usun itenapen kapas allim.

Ufouf: Ururun mwan me at repwe ufouf non sut are rausas mi kat ren echo soch me nektai. Fefin me nengin repwe ufouf non skaato mi kat.

Nifangenon moni ese namwot non mwichen fen.

Aua pwan etiwok om kopwe fiti pwan ekkoch mwich, anongonong won met ka sani me ierum. Tettenin me fisin ekkei mwich mi sokopat.

Sukunen Raninfel: Ekkoch klas faniten kaeo ngeni pukfel me nongonongen kapas allim.

Mwichen pristut: Klas faniten mwan me anuon a 12 ierir are watte seni.

Fin Anisi: Klas faniten fefin a 18 ierir are watte seni.

Ekkewe Fopun: Klas fan iten nengin a 12 ngeni 18 ierir.

Kinter: Mwokutokutun mwich me klas faniten semerit a 3 ngeni 11 ierir. Fan ekkoch epwe wor eu mwich faniten ekkewe semerit a 18 maramer ngeni 3 ierir.



Kunoken mwichen sakrament: _____

Iten nenien Imwenfan: _____

Met Upwe Fori?

- Aneani ewe Puken Mormon.

Mi och kopwe aneani: _____



- Iotek ne sinei pwe Jises Kraist I om we Chon Amanau.
- Aier me iotek ren omusomusen tipisum kewe. Achocho ne manaueni an Kot kewe annuk.
- Fiti fan.
- Ammonata ne papatais won _____
- Kopwe feino won www.mormon.org ne kaeo pwan ekkis usun ewe kapas allimen Jises Kraist mi niwinsefanito.
- Sopweno ne chufengen ren ekkewe misineri ne kaeo pwan och usun ekkewe nongonong Kot a niwinsefanito me ren soufosen ikenai.

Ranin ach chusefan: _____

Iten ekkewe misineri me nampan nour we fon:

EWE MWICHEFENIN
JISES KRAIST
REN ARAMAS MI PIN NON
FANSOUN SOPONON

www.mormon.org

Esinnan Chon Fori Sasing

Apponun me mwan: Chunganin Konik mi Manau, seni Simon Dewey. © Simon Dewey. Kosap kapini
Peich 2: Chunganin Ewe Atanafan won ewe chuuk, seni Carl Heinrich Bloch. Mi aea seni mutatan ewe
National Historic Museum non Frederiksberg non Hillerød, Denmark
Peich 5: Kraist A Amanau Noun Jairus we Nengin, seni Greg K. Olsen. © Greg K. Olsen
Peich 6: Ewe Chon Echikarata mi Pwetete, seni Greg K. Olsen. © Conceptions Unlimited Investments, Inc.
Kosap kapini
Peich 9: John ewe Sou Papatais a Papataisi Jises, seni Greg K. Olsen. © Greg K. Olsen. Kosap kapini
© 2012 seni Intellectual Reserve, Inc. Meininis pung mi kawor. Mi for non Merika
Kapungunon non fosun Merika: 11/05. Kapunguno chiakun: 11/05. Chiakun
The Gospel of Jesus Christ. Chuukese. 01142 901

CHUUKESE



4 0201142901 4

01142 901